



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444
fax: +387 33 726-423
e-mail: info@voda.ba

Broj: UP-1/21-1-40-356-9/23

Datum: 29.12.2023. godine

«Agencija za vodno područje rijeke Save» Sarajevo rješavajući po zahtjevu Grada Zenica podnesenog putem Službe za urbanizam za donošenje rješenja o prethodnoj vodnoj saglasnosti za izgradnju kanalizacione mreže sa budućim uređajem za prečišćavanje fekalnih voda za potrebe MZ Gorica na lokalitetu K.O. Putovići, grad Zenica, na zemljištu označenom kao k.č. broj: 1660 i 2762. (javno vodno dobro-rijeka Bosna) a u postupku pribavljanja urbanističke saglasnosti, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

o prethodnoj vodnoj saglasnosti

1. Daje se prethodna vodna saglasnost Gradu Zenica, Služba za urbanizam, za aktivnost izgradnja kanalizacione mreže sa budućim uređajem za prečišćavanje fekalnih voda za potrebe MZ Gorica na lokalitetu K.O. Putovići, grad Zenica (javno vodno dobro-rijeka Bosna), a u postupku pribavljanja urbanističke saglasnosti.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za ispuštanje otpadnih voda predmetnog naselja u površinske vode, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 2. i stav (3) Zakona o vodama.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 3.1. Izraditi investiciono tehničku dokumentaciju potrebnu za pribavljanje vodne saglasnosti za predmetnu aktivnost na nivou glavnog projekta. Dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) i stav (4) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
 - 3.2. Projektnom dokumentacijom dati tehničko rješenje polaganja dijela kolektora u vodnom dobru sa svim potrebnim proračunima i tehničkim opisom kao i situativni prikaz trase kolektora, tačan položaj kolektora i pripadajućih revizionih okana u odnosu na rijeku Bosnu, vodno dobro, linije velikih voda ranga pojave jednom u sto godina i druge korisnike voda, ako egzistiraju u zoni izgradnje planiranog dijela kolektora.
 - 3.3. Kanalizacioni kolektori kao i objekti na trasi treba da budu projektovani od vodonepropusnog materijala, kako bi se isključila mogućnost zagađenja podzemnih i površinskih voda te okoliša generalno.
 - 3.4. Projektnom dokumentacijom sagledati sve moguće neželjene uticaje, kako na planirane objekte kanalizacionog sistema tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za

- pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22). Uz zahtjev se prilaže:
 - 6.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 6.2. Rješenje o urbanističkoj saglasnosti
 - 6.3. Dokaz o izvršenoj uplati upravne takse u iznosu od 60 KM
 7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
 8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane Grada Zenica putem Službe za urbanizam, dana 28.07.2023. podnesen je «Agenciji za vodno područje rijeke Save» Sarajevo zahtjev za donošenje rješenja o prethodnoj vodnoj saglasnosti za aktivnost izgradnja kanalizacione mreže sa budućim uređajem za prečišćavanje fekalnih voda za potrebe MZ Gorica (javno vodno dobro-rijeka Bosna) a u postupku pribavljanja urbanističke saglasnosti za izgradnju kanalizacione mreže sa budućim uređajem za prečišćavanje fekalnih voda za potrebe MZ Gorica koji se u ovoj Službi vodi na traženje JP za prostorno planiranje i uređenje grada «Zenica» d.o.o. Zenica.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

- U provedenom postupku dostavljena je i pregledana sljedeća dokumentacija:
- Kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-7983-2/14 dana 28.01.2015. godine donesenog od Uprave za indirektno-neizravno oporezivanje Banja Luka,
 - Kopija katastarskog plana broj: 04-26-10-9934/2023-6 od 19.09.2023. godine izdata od strane Službe za imovinsko-pravne, geodetske poslove i katastar nekretnina Grad Zenica,
 - Kopija izvoda iz posjedovnog lista broj: 04-26-10-9934/2023-4 od 19.09.2023 izdata od strane Službe za imovinsko-pravne, geodetske poslove i katastar nekretnina Grad Zenica,
 - Kopija zemljišnoknjižnog izvodka broj: 043-0-NAR-23-017621 izdata od Zemljišnoknjižnog ureda Općinskog suda u Zenici dana 10.10.2023. godine,
 - Mišljenje da se planirana promjena može odobriti shodno Zakonu o prostornom uređenju ZDK doneseno od strane Službe za Urbanizam Grada Zenica

- Studija za izdavanje prethodne vodne saglasnosti - izgradnja kanalizacione mreže sa budućim uređajem za prečišćavanje fekalnih voda za potrebe MZ Gorica, općina Zenica urađen od strane «IBIS» d.o.o. Zavidovići, broj: 16-IB-S/23, oktobar 2023. godine,
- Protokol od 14.07.2023. godine,
- Izvod iz prostornog plana grada Zenica 2016-2036,
- Pregledna situacija MJ 1:1000,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 01.12.2023. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 05.12.2023. godine u dnevnom glasilu «OSLOBODENJE».

Na osnovu uvida u dostavljenu dokumentaciju utvrđeno je:

Glavnim projektom fekalne kanalizacije MZ Gorica u Zenici urađenim od strane «IBIS» d.o.o. Zavidovići, oktobar 2023. godine obrađen je način prikupljanja fekalnih otpadnih voda za manje od 2000 stanovnika.

Fekalni kanalizacioni sistem se sastoji od 7 kanala, i to:

- KANAL 1 – PVC Ø200, L=593.61 m
- KANAL 2 – PVC Ø200, L=272.15 m
- KANAL 3 – PVC Ø200, L=392.99 m, PVC Ø250, L=350.29 m
- KANAL 4 – PVC Ø200, L=270.12 m, PVC Ø250, L=315.00 m
- KANAL 5 – PVC Ø200, L=215.06 m
- KANAL 6 – PVC Ø200, L=347.89 m
- KANAL 7 – PVC Ø250, L=71.44 m

Kanali K1 i K3 predstavljaju glavne fekalne kanalizacione kolektore MZ Gorica. Kanal K1 izvodi se zasebno te se sa svim ostalim kanalima priključuje na buduću anaerobni uređaj za tretman fekalnih otpadnih voda 900 ES-a koji se smješta na parcelu označenu kao k.č. 996/1, K.O. Gorica, Grad Zenica. Kanal K3 smješten je kao centralni kolektor kroz ostali dio naselja na koji se priključuju ostali kanali K2, K4, K5, K6 i K7.

Fekalne otpadne vode iz svih sedam krakova se dovode na pomenuti uređaj zatim se vrši njihovo prečišćavanje, a zatim ispuštanje u rijeku Bosnu.

Ispuštanje otpadnih voda u površinske vode za naselja koja imaju manje od 2000 stanovnika, u skladu sa članom 139. stav (2) tačka 2. Zakona o vodama i članom 17. stav (2) tačka 2. Pravilnika o sadržaju, obliku, uslovima, načinu izdavanja i čuvanja vodnih akata je u nadležnosti Kantonalnog ministarstva nadležnog za vode.

Nakon uvida u dostavljenu dokumentaciju te na osnovu utvrđenog činjeničnog stanja, utvrđeno je da, shodno članu 12. stav (1) tačka 1. i 6. i stav (2) Zakona o vodama a u vezi sa članom 16. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnja kanalizacione mreže sa budućim uređajem za prečišćavanje fekalnih voda za potrebe MZ Gorica na lokalitetu K.O. Putovići, grad Zenica, na zemljištu označenom kao k.č. broj: 1660 i 2762, pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5., članom 10. stav (3) i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata.

Podnosioc zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj UP-1/21-1-40-356-8/23 od 20.12.2023. godine.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- Grad Zenica, Služba za urbanizam Trg BiH br 6, 72000 Zenica
- JP za prostorno planiranje i uređenje grada «ZENICA» d.o.o. Zenica ul. Mehmedalije Tarabara br 15, 72000 Zenica
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava